

cedoniæ, Thessaliæ & Achaïæ, quæ ut solvi possit, tempora necessario distinguenda sunt, cum pro illorum varietate nunc ad Orientem, nunc ad Occidentem spectarint. Quod Thracia ante Constantinum Romano Patriarchæ subdita fuerit, probat æternæ memoriæ Cardinalis Baronius ^a ex origine Byzantinæ Ecclesiæ, quam tribuit Apostolorum principi: recteque sane, cum huic omnes subiectæ manerent Ecclesiæ, à quo institutæ fuerant. *Petrus*, inquit, *Romam proficiscens hanc in Thracia, sicut Nicenam in Bithynia erexit, ac in eis Episcopos consecravit.* Idque colligit ex epistola Agapeti Papæ de Menna à se ordinato Episcopo Constantinopolitano, in quinta Synodo recitata, cujus verba sunt: ^b *Et hoc dignitati suæ addere credimus, quod à temporibus Petri Apostoli, nullum alium unquam Orientalis Ecclesia suscepit Episcopum manibus nostræ sedis ordinatum. Et forsitan ad demonstrationem laudis ipsius, vel ad destructionem inimicorum, instans res tanta provenit, ut illis ipse similis esse videatur, quos in his quaque partibus Apostolorum primi electio ordinavit.* At mihi tantò probabilior videtur hujus sententia, quod ad Constantinum usque, Thracia, quæ Europæ provincia est, Occidentalis semper existimata sit; saltem quantum ad ordinem Ecclesiasticum. Imperium à Diocletiano Imperatore in Orientale & Occidentale prius divisum fuisse, Orientalique, quod sibi & Maximino reservavit, Thraciam tributam non ignoro. At quid ad Ecclesiam hæc mutatio civilis ab ethnico Imperatore facta & quæ ad paucos annos viguit: maximè cum Thracia adhuc tempore Concilii Nicæni Romano Patriarchæ subjiceretur, ut mox dicemus ex Gelasio Cyziceno? Sed aliis rationibus tam de Thracia, quam de cæteris Illyrici Orientalis diœcesibus probabo. Orbem universum in Europam, Asiam & Africam distinxit antiquitas: singulisque illius partibus singulos Patriarchas Petrus cum Ecclesia præficiens, Europam Romano, Asiam Antiocheno, & Africam, quantum ad Ægyptum, Alexandrino subjecit. Cum autem Thracia, Illyricique Orientalis diœceses inter Europæ regiones recenserentur, quis eas intra Romani Patriarchatus limites primis sæculis constituere dubitet? Ad id satis invitant verba, quæ Gelasius Cyzicenus scribit in actis Synodi primæ Nicænæ ^c de Alexandro Thessalonicensium Episcopo, ipsiusque nomine: *Alexander Thessalonica per eos qui sub ipsius potestate sunt, Ecclesiis Macedonia primæ & secunda cum omni Græcia, totius etiam Europæ, utriusque Scythiæ, omnibusque Illyrici, Thessaliæ, & Achaïæ Ecclesiis.* Quis enim non agnoscit hisce in verbis Thessalonicensium Episcopum tempore Concilii Nicæni, utriusque Macedonia, Thessaliæ, Achaïæ, Scythiæ etiam utriusque, totius Illyrici, necnon & Europæ, hoc est Thraciæ, Metropolitanam obtinuisse dignitatem: ac proinde, cum provinciæ ipsi subiectæ, omnes ab uno eodemque Patriarcha penderent, nec unus idemque Metropolita provinciis diversorum Patriarchatum præficeretur, easdem provincias, etiam Thraciam, intra Patriarchatus Romani limites fuisse? Argumentum illud sic clarius expono. Si Thracia, totiusque Illyrici diœceses usque ad Constantinum Thessalonicensi Episcopo ut Metropolitanæ subiciebantur, etiam ad Romanum Patriarcham spectabant, cum diversorum Patriarchatum Episcopi, eidem Metropolitanæ non parerent: At Thracia (quam per Europam significari etiam scioli non ignorant) totiusque Illyrici provinciæ Thessalonicensi Episcopo tanquam Metropolitanæ subiectæ fuerunt usque ad Constantinum, imò etiam tempore Concilii Nicæni, ut patet ex prædictis verbis Gelasii Cyziceni. Unde necessariò dicendum est Thraciam, Illyricique provincias, usque ad Constantinum Conciliumque Nicænum, Patriarchæ Romano fuisse subiectas.

De Dacia tamen, Macedonia, Achaia, cæterisque Illyrici provinciis longè minor est dubitatio, quàm de Thracia, cum adhuc sub Constantini magni liberis Occidentales æstimatæ sint. *Græci*, inquit ^d Sozomenus, *Macedones*

^a Baron. ad ann. 44. num. 12.

^b In act. i. quintæ Synodi Generalis. Καὶ τὰ τοῦ δὲ πιστεύομεν τῇ αὐτῇ ἀξίᾳ προσθέντι, ὅτι περ ἐν τῶν χροῶν τῶ ἀποστόλου Πέτρου, οὐδένα ἄλλον οὐδέποτε ἐκκλησίᾳ ἀνατολικῇ ἐδόξετο ἐπισκοπεῖν ταῖς χερσὶ τῆς ἡμετέρας καθέδρας χειροτονηθέντα.

^c Gelas. Cyzicenus lib. 2. cap. 27. act. Concil. Nicæ. Ἀλέξανδρος Θεσσαλονίκης διὰ τῶν ὑπ' αὐτὸν τελούντων τοῦς κατὰ Μακεδονίαν πρώτην καὶ δευτέραν, σὺν τῇ Ἑλλάδι, τὴν τε Ευρώπην πᾶσαν Σκυθίαν ἐκπύραν, καὶ ταῖς κατὰ τὸ Ἰλλυρικὸν ἀπάσαις Θεσσαλίαν τε καὶ Ἀχαΐαν.

XVI.
DACIA ET
MACEDONIA
EX ROMANO
PATRIARCHATU.

C 3

^d Sozom. hist. Eccl. lib. 1. cap. 2. Οἱ δὲ, ἀνὰ τὴν δύσιν Ἕλληνες τε, καὶ Μακεδόνες, καὶ Ἰλλυριοὶ ἀδελφεὺς ἐθνήσκουσιν διὰ Κωνσταντίνου, ὃς ἡγάγετο τῶν τῆδε Ρωμαίων.